



F A C T V M,

Du procez d'entre Domp Pierre Daubiche, Religieux de l'Ordre de S. Benoist, tenant le lieu d'Indult, de M^{re}. Paul Hurault de l'Hospital, iadis Conseiller en la Cour de Parlement de Paris, & maintenant Archeuesque d'Aix, demandeur.

Contre Loys Preost, & Gabriel de la Salle, deffendeurs.

LE DIFFEREND DES PARTIES *In facto & non in iure consistit*, par ce que en iceluy il s'agist de sçauoir, si le Prieuré du Port Dieu, est ou collatif ou electif à la forme du Chapistre, *quia propter*, & partant à la nomination du Roy.

Par ce que s'il est collatif, il faut que le deffendeur reconnoisse qu'il ne peut pretendre aucun droict en iceluy: Si au contraire, le demandeur ny veut rien pretendre.

Or pour monstrier qu'il est collatif, & que de le vouloir iuger d'autre nature, c'est vouloir oster & faire perdre à l'Abbé de la Chaize Dieu toutes les collatiōs, par ce ce qu'il a le mesme droict de conferer ledit Prieuré du Port Dieu, qu'il a de conferer tous les autres benefices deppendans de son Abbaye.

Le demandeur rapporte vnze Bulles de vnze diuers Papes, lesquelles il a produictes sous la cotte K. de sa premiere produitiō, par lesquelles tous & chacuns les benefices deppendans, *pleno iure*, & qui sōt à la collation dudit Abbé de la Chaize Dieu, sont desnommez: entre lesquels ledit Prieuré du Port Dieu, *speciali nota*, est designé & nommé comme estant deppendant de ladite Abbaye de la Chaize Dieu, & en la pleine disposition & libre collation de l'Abbé d'icelle.

Et voila les premieres preuues que le demandeur apporte de ce droict de collation.

Les secondes sont, que ledit Abbé de la Chaize Dieu, par Bulles expressees à luy accordees par Gregoire Pape huietiesme de ce nom,

A



45 2

produictes aussi par le demandeur sous la cote M. de ceste mesme production à les mesmes droicts de conferer les benefices deppendant de son Abbaye qu'à l'Abbé de Cluny de conferer ceux qui deppendent de la sienne.

Or il n'y a personne qui reuocque ny puisse reuocquer en doubte que l'Abbé de Cluny ne confere tous les Prieurez reguliers qui deppendent de son Abbaye: c'est pourquoy on ne scauroit doubter que ledit Abbé de la Chaize Dieu, *qui habet eadem priuilegia*, que ledit Abbé de Cluny n'aye droict de conferer tous les Prieurez qui deppédét de la sienne.

Les troisiemes sont tirees des mesmes Bulles en ce qu'il appert par icelles, comme le demandeur a fait voir en sa production sous la cote P. que l'Abbé de la Chaize Dieu, vacation aduenant dudit Port Dieu ne le confere pas seulement, mais pouruoit au regime & gouuernement des fruiets, & qui plus est les fait siens, nourrit & entretient les Religieux qui ne sont pas Religieux du Port Dieu, encores qu'ils y demeurét, mais Religieux de la Chaize Dieu, iouissas des mesmes priuileges & prerogatiues que ceux qui sôt actuellement residats en ladiete Abbaye de la Chaize Dieu, aussi y font ils leur professiō, biē que le Prieur dudit Port Dieu, par priuilege special avec les Prieurs de Cornillon, & de Sainte Gemme, qui sont aussi indubitablement à la collation dudit Abbé de la Chaize Dieu, aye droict de leur donner l'Habit, mais non les professer,

Et de fait le deffendeur qui a pris l'Habit par la main de deffunct Anthoine Preost son oncle Prieur dudit Port Dieu, à fait sa profession dans ladite Abbaye de la Chaize Dieu, le huietieme Octobre 1588. comme il appert par les pieces qu'il a luy mesmes communiqué sous la cote E. de sa production.

Et ce fut pourquoy en l'an mil trois cens vingt cinq, les Religieux demourans audit Port Dieu, requirent pardeuant l'Official de Tulles la fulmination de certaines Bulles octroyees aux Religieux de ladite Chaize-dieu, comme estans du corps & nombre d'iceux.

Par lesquelles il appert non seulement que l'Abbé cōfere mais aussi regist & dispose des fruiets dudit Prieuré, vacation aduenant, & que les Religieux dudit Port-Dieu iouissent des priuileges de la Chaize-Dieu, comme en estans Religieux.

Les quatriemes moyens de preuue, sont tirez du Pollier, produict par le demandeur sous cote C. par le Poullier, qui est vne preuue authentique & non reprochable, appert tant en l'intitulation, que texte, que le Prieuré du Pordieu est en la collation de l'Abbé. Car l'intitulation est des benefices estans en la pleine disposition & collatiō de l'Abbé de la Chaize-Dieu, & le texte au chap. *Lemonicensis* porte que

le prieuré du Pordieu est en ce nombre tout ainsi que les autres benefices en la collation dudit Abbé, sans distinction ne difference quelconque.

Les cinquiemes sont tirees du liure des statuts de ladite Chaize-Dieu, appelle le *domino*, produit par le demandeur cote F. par ces statuts il appert de trois choses, la premiere que l'Abbé de la Chaize-Dieu, conuocquant les prieurs estans en sa collation, a fait lesdits statuts, & par iceux reglé tous ses Religieux entre lesquels Prieurs, est le Prieur du Port-Dieu.

La deuxiesme que d'ancienneté l'Abbé pouuoit instituer & destituer *ad nutum* les Prieurs estans en sa collation, entre lesquels le Port-Dieu est desnommé.

La troisieme que des Prieurez estans en sa collation entre lesquels le Port-Dieu est desnommé, l'Abbé n'en pouuoit retenir vn seul ains est tenu de les cōferer. Or si l'Abbé statue & ordonne quelque chose pour les prieurez a sa collation, & le Port-Dieu y est desnōbré, si ledict Abbé peult instituer ou destituer *ad nutum* le prieur du Port-Dieu, si le mesme Abbé ne peut retenir le Port-Dieu à soy, Mais est tenu de le conferer, Y a il au monde marque plus expresse dudroit de collation?

Les sixiemes, sont tirées du mesme Poullier cy dessus specifié & produit par le demendeur sous cote C. en ce que par iceluy le prieur du Port-Dieu recognoist debuoir trois procuratiōs à l'Abbé de la Chaize-Dieu estant en visite, debuoir huit sōls d'une part, & soixante sōls d'autre aux offices de ladite Chaize-Dieu, & finalement debuoir tenir seize Religieux en son prieuré tels qu'il plaist audict Abbé de la Chaize Dieu luy enuoier & (*quod precipuum est*) lesdites charges sont communes avecq' tous les autres prieurs de ladite Chaize Dieu, sans distinction. quelconque.

Or l'on sçait que toutes ces particularitez sont marques essentielles du droit de collation, par ce que vn prieuré electif confirmatif a la forme du chap. *quia propter*, entre autres marques à de necessité celle là que *non habet aliam Ecclesiam supra se*.

Les septiemes preuues sont tirees de l'original d'une transaction passée en l'an mil deux cens quatre vingt dix neuf, entre l'Euesque de Lymoges & le Prieur du Port-Dieu, sur ce que ledit Euesque de Lymoges vouloit visiter ledit Port-Dieu, & le prieur soustenoit au contraire qu'il iouissoit des exemptions accordees à l'Abbé de la Chaize-Dieu pour tous les prieurez estans en sa collation & disposition suivant les Bulles cy dessus specifiées entre lesquels estoit & est ledit port-Dieu, & est ainsi accordé entre les parties, par ou il appert qu'ayant esté recogneu ledit prieuré du port-Dieu iouissant du pri-

4

uillage desdites Bulles, & paricelles expressement dict de la collation de l'Abbé de la Chaize-Dieu, il y a trois cens ans & plus que ledit prieuré est recogneu de la collation dudit Abbé.

Et tellement recogneu que dedans les pancartes & poullier de l'Euesché de Lymoges où sont descrits & contenus tous les Benefices estans au diocèse, & les noms des collateurs, ledit prieuré du port-Dieu, est par quatre fois & en quatre endroits déclaré collatif dependant, & en la collation dudit Abbé de la Chaize-Dieu. Les originaux de la susdicte transaction & pancarte, sont produicts par le demandeur sous les cottes H. & I. de son inuentaie.

Les huitiesmes moyens de preuue sont tirez des recognoissances tant des Religieux estans audit Port-Dieu, que du sieur Duc de Ventadour, & de deffunct Anthoine preost: Les Religieux du port-Dieu par procuracion & requeste presentee audit Abbé de la Chaize-Dieu dès l'an mil cinq cens quatre vingt deux, produicte par le demandeur en sa production nouuelle es cottes S. & T. ledit sieur Duc de Ventadour par lettres missiues produictes par ledit demandeur cote Q. & deffunct Anthoine preost par sa declaration du quatriesme iour d'Ooëtre mil cinq cens quatre vingt dixhuiet produictes par le demandeur sous cote O.

Par toutes lesquelles pieces il appert que tant la partie aduersé, que le sieur Duc de Ventadour, duquel le deffendeur est confidentiaire & deffunct Anthoine Preost *que sibi mutauit dolo causam possessionis*, ont recogneu volontairement ce que a present ils mettent en controuerse.

Et voila comme le Demandeur qui est fondé en droit commun parce que tout prieuré deppendant d'une abbaye est presumé en la collation d'icelle, toutesfois il prouue le droit de collation si pertinemment qu'il ny a sous correction du Conseil aucune responce.

Aussi le deffendeur sçachant en sa conscience quel est l'estat de ce Benefice ne fait qu'un ramas de diuers moyens pour en obscurcir la verité, lesquels le demandeur rapporte fidèlement, & y respondra tres pertinemment.

L'e premier est, Qu'en l'an 1514 & le 10. Feburier, vacation aduenue du prieuré du port Dieu par le decedz de Anthoine de Montmorin, les Religieux esleurent frere Charles de Senectaire laquelle eslection fut confirmée par L'abbé le 8. May, mil cinq cens quinze, en la production nouuelle dudit deffendeur cote L.

Le deuxiesme est, Qu'en l'an 1528. & le Septiesme de Feburier pareille vacation aduenue audit Prieuré par le decedz de

Les religieux esleurent frere Guillaume Constant,
En la production nouuelle dudit deffendeur, receue par arrest du

Conseil du 19 du present mois.

Le troisieme que par arrest dudit Conseil du neuuesme Nouembre 1529 en la premiere production dudit defendeur soubz cotte L. Lelection dudit Constant fut declaree abusive à cause du Concordat & dautant que par iceluy la nomination du prieur du port-Dieu comme electif confirmatif à la forme du Chappitre *qui a propter* appartenoit au Roy.

Le quatrieme. Que Messire. Cristophle de Foyx nommé par le Roy plaidant contre frere Jehan Naturel pourueu par le Pape emporta la recteance par arrest du vingt troisieme Februrier 1556. en la production nouvelle dudit defendeur soubz cote N.

Le cinquiesme Qu'e consequéce de ladite recteance ledit de Foyx iouist paisiblement iusques à son deceds, sans que ledit Naturel ne eut ait depuis rien pretendu contre luy, & que la recteance apres trois ans est conuertie en maintenue.

Le sixiesme, que par le deceds dudit de Foix, maistre Iean Passerat en fut pourueu par la nomination du Roy, & en iouist paisiblement, en la premiere production dudit defendeur sous la cote F,

Le Septiesme, que par la resignation dudit Passerat, maistre Bertrand le Preuost en fust pareillement pourueu par la nomination du Roy, & sur le trouble à luy fait par Anthoine Preost pourueu en Cour de Rome, fust maintenu & gardé contre ledit Preost, par arrest du sixiesme Octobre 1599, en la premiere production du defendeur sous cote H.

Le huitiesme & dernier, que ledit Preuost reconura ce Benefice par la resignation dudit Preost, & en fut pourueu par breuet du dernier iour de Decembre mil cinq cens quatre vingt dixneuf, & Bulles obtenues sur iceluy, & que tel est le dernier estat du Benefice : car il est certain que ledit Preost estoit dernier titulaire & paisible possesseur, lesdites Bulles sont produictes par le defendeur sous cote D. en la premiere production.

A ces moyens le demandeur non seulement à prompt & facile responce. Mais peut dire avec verité qu'estans esclaireis & mis au iour, ils ne sont point inutiles à la preuue & verification de son bon droit, & quand à l'election de frere Charles de Senectaire dit qu'à la verité par le deceds de Anthoine de Mont-morin, frere Loys Valeri fut pourueu par la collation de l'Abbé, frere Gilles Gironnet par la collation de son grand Vicair, frere Clerc de Gimel fut pourueu en Cour de Rome, & frere Gilles de la Tour aussi en Cour de Rome premier & auant tous (& est à noter que ledit de Mont-morin estoit decedé durant vn long voyage qu'il auoit entrepris) apres toutes lesquelles collations, frere Charles de Senectaire essaya de se fai-

re eslire par les Religieux, à la charge de le faire confirmer par l'Abbé cuidant que Messire Jacques de Senectaire Abbé son oncle ne donneroient point d'empeschement à cesté eslection, puurueu qu'il print de luy confirmation.

Mais il en aduint bien autrement: Car, l'Abbé quoy qu'il fust de bonne intelligence avec sondit Nepueu ne confirma iamais l'eslection, Et quand à la pretendue confirmation du huiëtiesme May, mil cinq cens quinze: Ce n'est point vne confirmation, c'est vne Commission decernée *Adelmario monacho*, pour cognoistre de *Viribus*, confirmer ou infirmer ladicte eslection faicte par les Religieux, *certa tamen die per eos captata* ainsi que dit la piece, *Cognoistre, inquam de Viribus electionis saluo iure abbatis*, ce sont les termes de la piece.

Et tant s'enfaut que en vertu de ladicte pretendue confirmation du huiëtiesme May mil cinq cens quinze, frere Charles de Senectaire ait iouy dudit Prieuré, qu'au contraire deux ans apres, & en l'an mil cinq cens dix-sept au mois d'Oobre, il entra en compromis avec lesdits de Valery, de Gimel, de la Tour & Gironnet, des personnes de Messieurs Boyer President en la Cour de parlement de Bourdeaux, de Cofnac Conseiller, & Regis lieutenant general, à Mont ferrant comme arbitres & amiables compositeurs, par l'aduis & composition desquels ledit de Senectaire fournist audit de la Tour (qui se feist fort pour les autres) neuf cens liures de réte en Benefices, deux mill liures pour les frais du procez, & quinze collations, à la charge que la premiere collation de Cure, ou autre Benefice deppédât de Port-Dieu appartiendrait audit de la Tour. Cela s'appelle recompenser & non emporter le Benefice, u'y ayant rien si certain que si le Benefice eust esté eslectif confirmatif, & eust apparu de la confirmation faicte par l'Abbé, ledit de Senectaire eust esté purement maintenu, & non pas condamné de recompenser si cherement le Benefice à vn qui ny eust eu droit ny pretention quelconque.

A l'eslection de frere Guillaume Constant du septiesme Feurier mil cinq cens vingt huit le demédeur dit que toute telle qu'elle est, si le deffendeur s'en veut ayder, elle impliche contradiction à ce qu'il a mis en auant de la confirmation par l'Abbé, d'autant qu'elle est pure & simple. Mais passant plus outre le demandeur dit qu'elle est cassee & declarée abusive par arrest du neufiesme Nouembre mil cinq cens vingt neuf, & ce d'autant que le Benefice n'est point effectif, mais collatif.

Ace mesme arrest du neufiesme Nouembre mil cinq cens vingt neuf par lequel ladicte eslectio est cassee, respôd le demâd. qu'il ne cōtredit, mais employe ledit arrest. Et quâd à l'induction du deffendeur qui est que ladicte eslection fust cassee d'autant que par le concordat la nomi-

nation appartenoit au Roy, le demandeur dit qu'il n'y a propos ny apparence quelconque en ce fait. En premier lieu d'autant que en la qualite dudit arrest, il n'y a aucun pourueu par la nomination du Roy, *Secundo*, d'autant que le Procureur General qui est appllent cōd'abus, ne pretend rien en ladiete nomination, *Tertio*, pour autant que l'interest du Roy estoit la conseruation des droicts de l'Abbaye de la Chaize Dieu, entre lesquels estoit la collation dudit Prieuré du Port-Dieu, & administration du temporel pendant la vacation contre les entreprises que vouloient faire les Religieux sur les droicts dudit Abbé en spirituel & temporel. D'ailleurs l'Abbé n'a point esté ouy ny celuy qui auoit esté pourueu par luy de ce temps là. Raisons pour lesquelles ledit arrest n'est pas considerable au differend qui est à iuger.

A L'arrest de recreance du 23 Februrier 1556. Le demandeur dict que c'est vng Appointement de contraires La recreance ad iugée audit De foix pour en iouir soubz la main du Roy, à laquelle le Cardinal de Tournon abbé de la Chaize-Dieu non ouy & de nouuel aduerty sopposa en aoust 1557. Dont alarmé ledit De foix Iugea pour la des fiance qu'il auoit de son droit au principal, qu'il luy falloit en toutes façons arrester le Iugement, & de fait feist dire par arrest donné par deffault le iour D'octobre, 1559. qu'il seroit surcis au Iugement dudit principal iusques à ce que ledit De foix eust esté payé E satisfait d'une somme de seize mil septcens liures a laquelle il feist eualuer les fruietz, de la restitution desquels estoit question: ce qui estoit en peu de paroles reduire vng pauvre Moyne à l'impossible, & renuoyer le principal à cent ans comme il fut fait par les Areopagites. Et de fait depuis ce temps, Naturel ne pouuant auoir audience & plustost colludant avec ledit De foix pour sa pauvreté & en esperance de quelque petite recompense Il fallut que le Cardinal de Tournon abbé de la Chaize Dieu receu partie au Procez par requeste présentée le vingt vniesme Mars ensuiuant audi an 1559 pour suiuit l'un & l'autre, comme il appert par arrest du Conseil du Iour dauril 1560, apres pasques produict par le demandeur en sa production nouuelle cote Mais incontinant apres ladite interuention suruint le decedz tant dudit Sieur Cardinal que dudit Naturel & ainsi se void que Christophe De foix ne fust iamais paisible possesseur par Iugement definitif

A la prouision de passerat Le demandeur respond que l'abbé auoit conferé a frere Amable Mier, & que la prouisiō dudi Mier fust trouuée si iuridique & vallable que ce Sieur de Roissy, duquel ledit passerat estoit confidentiaire fut contrainct de transiger avec le Sieur de Gordes auquel ledit Mier prestoit le nom, & par ceste transaction luy donner quinze cens liures de rente, & feist on plus, car ledit Sieur

de Roissy qui estoit des plus cappables recognoissant la nullité du titre dudit Passerat par la mesme transactiō feist que ledit Miet resigna ledit Prieuré audit Passerat, de façon que la iouissance que ledit Passerat en a depuis faite à este en consequence de ladite resignation. Et par ce que deffunct Monsieur le Cheualier d'Angoulême qui estoit abbé de la Chaize Dieu, desirieux de conseruer les droictz de son abbaye vouloit empescher en toutes façons le tiltre dudit Passerat. Ce fut pourquoy ledit de Roissy se seruit de l'auctorité du deffunct Roy Charles duquel ile estoit fort aymé pour faire. cōdescendre ledit Sieur Cheualier, & le Sieur da Gordes à ladite transactiō, & cela est iustificié par les pieces mesmes produictes par le deffendeur soubz la cotte, K, de son premier Inuentaie & par lettre missiue & memoire escrit & signé de la main dudit de Roissy produicte par le demandeur en sa produccion nouuelle sous cotte,

Et y à plus, car ledit Miet estant decedé ledit passerat fut euincé dudit Prieuré du Port-dieu par frere Anthoine Preost oncle du defendeur, qui s'estant fait pourueoir en Cour de Rome sans breuet ny nomination du Roy, tant par la cōfidence desdits Passerat & Sieur de Roissy que *alio quouis modo*, obtint sentence a son profit du iour de May, 1584. par l'abbé de Bonaigues, Commissaire deputé par le Pape en consequence de laquelle il print possession & iouist paisiblement iusques en l'an 1599. auquel temps *dolo voluit mutare sibi causam possessionis*.

A l'arrest du sizieme Octobre. 1599. le demandeur respōd que cest vne forclusion ou pour mieux dire collusion d'entré ledit Preost & le Sieur Duc de Vétadour, lequel ayāt recōpensé Me. Bertrād le Preuost d'une recōpense portatiue, & desirant s'approprier du tēporel de ce benefice feist q̄ ledit Preost lascia dōner cest arrest par force lusiō & sans se deffendre, aussi l'auoit il fait obliger en 1594. en vne lōme de quatorze mille escus pour quelques fraiz qu'il supposoit auoir faits, pour sortir dudit prieuré quelques soldatz qui se disoient de la ligue.

Et voila le dernier estat dudit prieuré du port dieu auquel on void que vn vray titulaire qui auoit iouy dixhuiēt ans entiers & d'anâtage se rend confidentiaire d'un Seigneur pour se liberer d'une somme de quatorze mille escus a laquelle il l'auoit fait obliger. Bien que quelques iours au parauant il eust luy mesme dans ladit abbaye de la Chaize dieu faisant son office de Prieur. recogneu ledit Abbé de la Chaize dieu pour son collateur comme il ne se pouuoit pas nyer,

Et afin aussi de faire puis apres continuer par le defendeur son Neueu la confidence par luy commencée, qui estant preuenu & coupable de plusieurs crimes capitaux, est plustost digne d'un supplice que de tenir benefices.

